



Broj: 05/1-50-15-26-6-3/21

Sarajevo, 26. 10. 2021.

ZAPISNIK

6. sjednice Nezavisnog odbora Parlamentarne skupštine BiH

Sjednica je održana 26. 10. 2021, s početkom u 17.15 sati.

Sjednicu je sazvao Enes Obraliija, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliija, predsjednik Nezavisnog odbora, Miše Štavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdob, Nikola Džambas, Mate Miletić, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Enver Bogdanin iz Sektora za odnose s javnošću u Sekretarijatu Parlamentarne skupštine BiH.

Sjednicom je predsjedavao predsjednik Nezavisnog odbora Enes Obraliija.

Konstatiraju i da postoji kvorum, otvorio je 6. sjednicu Nezavisnog odbora Parlamentarne skupštine BiH.

Predsjednik Nezavisnog odbora Enes Obraliija predložio je sljedeće:

DNEVNI RED

1. Usvajanje Zapisnika 5. sjednice Nezavisnog odbora;
2. Razmatranje Izvještaja sa sastanka članova Nezavisnog odbora s rukovodstvom Državne agencije za istage i zaštitu;

3. Informacija o posjeti članova Nezavisnog odbora Graničnoj policiji BiH;
4. Tekuća pitanja

Prije glasanja o dnevnom redu za riješeno javio drugi zamjenik predsjednika Nezavisnog Odbora Uroš Pena koji je predložio da se tačka 2. i 3. skinu sa predloženog dnevnog reda 6. sjednice Nezavisnog odbora.

Ovaj prijedlog jednoglasno je usvojen.

Nakon što je usvojen prijedlog za izmjenu dnevnog reda, predsjednik Nezavisnog odbora Enes Obralića konstatirao je da sjednica ima sljedeći

DNEVNI RED

1. Usvajanje Zapisnika 5. sjednice Nezavisnog odbora;
2. Tekuća pitanja.

Ad. 1. Usvajanje Zapisnika 5. sjednice Nezavisnog odbora

Zapisnik 5. sjednice Nezavisnog odbora usvojen je jednoglasno, bez primjedbi.

Ad. 2. Tekuća pitanja

U okviru ove tačke dnevnog reda predsjednik Nezavisnog odbora Enes Obralića istakao je da je na e-mail Nezavisnog odbora pristigla molba A. B., broj: 05/1-50-17-1657/21 od 23.8.2021. za angažiranje po ugovoru o djelu, a koja je po prijemu dostavljena svim članovima Nezavisnog odbora, te otvorio raspravu. Nakon rasprave u kojoj je učestvovala većina članova Nezavisnog odbora, jednoglasno je konstatirano da Nezavisni odbor nema pravnu mogućnost ni nadležnost da postupi po ovoj molbi o čemu će podnosilac molbe biti obaviješten.

Dalje, predsjednik Nezavisnog odbora Enes Obralića je također istakao da su na e-mail Nezavisnog odbora pristigle dvije predstavke H. V., broj: 05/1-50-17-1923/21 i 05/1-50-17-1923-2/21 od 19.10.2021, koje su po prijemu dostavljene svim članovima Nezavisnog odbora, te otvorio raspravu. Nakon rasprave u kojoj je učestvovala većina članova Nezavisnog

odbora, jednoglasno je konstatirano da Nezavisni odbor nije nadležan za rješavanje predstavki te da se one stave ad acta.

Također, predsjednik Nezavisnog odbora Enes Obralića je istakao da je na e-mail Nezavisnog odbora pristigla predstavka, broj: 05/1-50-17-1963/21 od 25.10.2021., a koja je po prijemu u dostavljena svim članovima Nezavisnog odbora, te otvorio raspravu. Nakon rasprave u kojoj je učestvovala većina članova Nezavisnog odbora, jednoglasno je konstatirano da Nezavisni odbor nije nadležan za rješavanje predstavke te da se ona stavi ad acta.

Dalje, u okviru ove tačke dnevnog reda dogovoreno je da se sljedeća sjednica Nezavisnog odbora okvirno održi u drugoj polovini novembra 2021. godine.

Predsjednik Nezavisnog odbora Enes Obralića zaključio je sjednicu u 17.40 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića